

Mennin aikuj ko ikijen kabōk jermal

Emōj an bar jino mennin aikuj ko ikijen kabōk jermal.

Kin jemlok eo jen jorrāān eo an COVID-19, emōj an Governor eo, koba ibben jibañ eo an Rikwelok ro an state eo, kōbōjrak mennin aikuj ko ikijen kabōk jermal ilo kar jinoin an walok jorrāān eo elab im ear jelōte aoleben lal in. Ilo an kajurlok makūtkūt ko an jikin eo, mennin aikuj ko ikijen kabōk jermal rebar rool tōk. Melelein mennin ej kwōj aikuj kabōk jermal im beba jab diklok jen jilu makūtkūt in kabōk jermal kajojo wiik ñan am maron tōbrak ñan jibañ ko an bōjrak jermal.

Ñaat eo enaj bar jejjet kūtien mennin aikuj ko ikijen kabōk jermal?

Jinoe makūtkūt in kabōk jermal ko am ilo wiik eo an Julae 4-Julae 10.

Kōjellā kin makūtkūt ko jino jen wiik eo an Julae 11, im aoleb wiik kwōj aikuj jibañ ko tōkelik.

Ilo peij in

- [Laajrakin makūtkūt in kabōk jermal](#)
- [Kajitōk ko rekūt](#)
- [Ebōk jibañ ilo am kabōk jermal](#)

Laajrakin makūtkūt in kabōk jermal

Kōmman makūtkūt in jermal ko remmon ñan kwe

Laajrakin eo ijin lal ekoba etan makūtkūt in kabōk jermal ko an tōrre in emōj kōmelim. Kwōj aikuj kadedelok jilu kajojo wiik elañe kwōj ebōk injuran an bōjrak jermal eo ekkā ak PEUC (Pandemic Emergency Unemployment Compensation, jibañ eo an idin bōjrak jermal jen jorrāān eo elab ear jelōte aoleben lal in) ñan am maron tōbrak wōt ñan jibañ ko. Kwōj aikuj kadedelok juon makūtkūt emōj kōmelim elañe kwōj ebōk PUA (Pandemic Unemployment Assistance, jibañ eo an bōjrak jermal jen jorrāān eo elab ear jelōte aoleben lal in, bōtab elab amim rōjañ am kadedelok jilu.

Ilo raan ko rej kab jemlok kim ear kōlablok etan makūtkūt ko ñan kōmman bwe en lablok tōkjen am kabōk jermal – im lewaj eloñ ekeel ko ñan am maron kōmmani jen online!

Jikin jermal ko rej kabōk rijermal ibelakin state eo, innem jabdewōt iminene ak jikin jermal eo am, kōmman an makūtkūt in kabōk jermal kein jermal ñan kwe im jibañ am loe jermal eo kwōlukkun kōnaan.

Makūtkūt rōt	Makūtkūt in kabōk jermal emōj kōmelim	Lomnak ko kin beba	Emōj kōmelim ñan Jibañ ko emōj Kaitōklok*
Melele in kebaak eo an Jikin Jermal	Melele in kebaak an Jikin Jermal (ablikajon, ien kajitōk eo ñan bōk melele, ien kajitōk ikijen jermal eo, kenono ko ñan bar bōk melele ak email)	Taitōl in jermal ak nōmba in lale, etan jikin jermal ak bijnej, melele kin wāween am kar kebaak (ilo am etal ibben armij eo, online, talebon, email, ak bar juon) melele in kebaak an jikin jermal ak bijnej eo	X
WorkSource	Kōmmane juon akkoun ilo WorkSourceWA.com	Bija in peij in akkoun eo am	
WorkSource	Upload resume eo am ilo WorkSourceWA.com im kōmman bwe jikin jermal ko ren maron bukōte im loe	Bija ak kabe in resume eo am	
WorkSource	Bōk kwōnaam ilo juon ien katak ilo am etal ñane ak online im WorkSource ej kōmmane	Etan katak in bōk melele eo, raan, awa, im jikin	
WorkSource	Bōk kwōnaam ilo juon makūtkūt in jermal ak kateruru in jermal im ej kōmman jen ibben WorkSource im kebaak jab diklok jen juon jikin jermal	Etan makūtkūt eo, raan im melele kin ia im wāween am kar kobalok, etan jikin jermal eo	
WorkSource	Bōk kwōnaam ilo juon kulab in jermal ej kōmman jen ibben WorkSource	Etan kulab, raan, im wāween ak ia eo kwar etal ñane	
WorkSource	Bōk kwōnaam ilo ien eo emōj karōke jinointata ak bar lale ibben RESEA(Reemployment Services	Etan makūtkūt eo, raan, im ia ak	

	and Eligibility Assessment, Jibañ ko ñan bar jermal im Joñjoñ maron tōbrak)	wāween an kar dedelok
WorkSource	Bōk kwōnaam ilo juon kulab in jermal ekkā ej kōmman jen ibben WorkSource	Etan makūtkūt, raan, im ia ak wāween am kar kobalok (online ak ilo am etal)
WorkSource	loon juon rijermal in WorkSource ak ritel ikijen jermal ñan am bōk melele kin jibañ ko an Taitōl I	Etan makūtkūt eo, raan, im ia ak wāween an kar dedelok
WorkSource	Kadeloñ etam ilo burokraam eo an WIOA Taitōl I-B im kōmmane juon Bebe kin Eddo ko an Juon Make Armij (Individual Employment Plan)	Etan makūtkūt eo, raan, im ia ak wāween an kar dedelok
WorkSource	Kadeloñ etam ilo burokraam eo an WIOA Taitōl I-B im bōk jab diklok jen juon jibañ in jermal ekkā ak emōj kōjenolok ñan juon armij ilo am bōk kwōnaam ilo am melele kin wāween kabojak im jāān ak workforce ak bōk katak an ien kadu kin kapeel in jermal moktalok.	Etan makūtkūt eo, raan, im ia ak wāween an kar dedelok
WorkSource	Bōk kwōnaam ilo katak kaminene an rijermal kobalok ilo WIOA Taitōl I-B	Etan makūtkūt eo, raan, im ia ak wāween an kar dedelok
WorkSource	Bōk kwōnaam ilo WIOA Taitōl I-B iminene ak katak jermal ej kolla ak ejab kolla	Etan makūtkūt eo, raan, im ia ak wāween an kar dedelok
WorkSource	Bōk kwōnaam ilo WIOA Taitō I-B kin katak kaminene ilo am jermal	Etan makūtkūt, raan, im jikin eo ear dedelok
Bar juon	Katak kin jikin jermal ko ilo esd.wa.gov/labormarketinfo	Link ñan ak bija in melele eo
Bar juon	Alwōje juon bideo online, waanjoñok bideo ilo YouTube, kin enaan in kabōk jermal (waanjoñok: wāween am jeiki juon letā ñan imaan, jeje resume, ak bōk kapeel kin ien kajitōk)	Link ñan bideo ak bija in peij eo ej kwalok bideo eo

Bar juon	Kebooj juon “jipij kadu” 30 jekon ñan am kōjberbal ilo makūtkūt in jermal ak ilo ien kajitōkin ko	Bija ak beba	
Bar juon	Kōmmane juon akkoun kāāl ak kōkkāāle melele ko ewōr am ilo jikin kabōk jermal ko (Indeed, LinkedIn, Glassdoor, CareerBuilder, Monster, Google Careers, ak bar juon) im kabōk jermal ko rebellok	Link ñan bija in profile eo am im jermal ko rebellok	
Bar juon	Kōmmane juon akkoun im likūt resume im letā eo itumaan ibben ablikajon in kabōk jermal eo online (Job Scan, Bright Move, Hiring Solved, ak bar juon)	Link ñan ak bija in peij eo ej kwalok an tōbrak am kōmmane akkoun eo im jejjetin jermal eo ebellok	
Bar juon	Kadeloñ etam ibben juon ritel ikijen jermal ak jibañ	Link ñan ak bija in bujen eo	
Bar juon	Kadeloñ etam ibben juon, rijermal in kareelel an obij ko rej kabōk kwōn in jermal ak ibben juon jikin ej jibañ kabōk	Bija in beba in peij eo ej kwalok am kar kadeloñ etam	
Bar juon	Bōk kwōnaam ilo kabōk jermal ko rej kōmman online ak juon kilaaj ej kōmman jen ibben obij ko rej kabōk jikim	Link ñan ak bija in beba eo ededelok	
Bar juon	Bed ilo juon makūtkūt in jermal ak ien kateruru ilo am jede lok ak ilo kombutor im kebaak jab diklok jen juon jikin jermal	Letā ak email kin am kar kadeloñ etam jen armij eo ej jutak ikijen makūtkūt in jermal; Etan Jikin Jermal ak bijnej, melele kin wāween am kar kebaak (ilo am jede, online, talebon, email, ak bar juon) melele in kebaak jikin jermal ak bijnej	X
Bar juon	Bōk kwōnaam ilo am lale jermal ilo online ak jen bar juon jikin ettolok	Kabe in letā ak email jen armij eo kwar	X

		lale. Elaņe jermal in lale in ej ñan juon jejetin jermal ebellok, emaron bōnōbōn einwōt kebaak an jikin jermal ñan jibañ ko emōj kaitōklok.	
Bar juon	Bōk kwōnaam ilo juon kulab in jermal an make armij ak jukjukinbed	Letā ak email jen ritel ak rikolla wonnen kulab eo	
Bar juon	Bōk kwōnaam ilo juon OJT (on-the-job training, katak kaminene an jermal eo)	Etan kombani eo, kain jermal in makūtkūt ak wāween an kar dedelok. Elaņe lale jermal in ej ñan jejetin juon jermal ebellok, emaron bōnōbōn einwōt kebaak jikin jermal ñan jibañ ko emōj kaitōklok.	X
Bar juon	Kadedelok juon bōnōbōn in orlok online (einwōt, Strong, My Next Move, Myers/Briggs)	Link ñan ak bija in jemlok ko am	
Bar juon	Kadedelok joñjoñin ACT WorkKeys	Link ñan ak bija in jemlok ko am	
Bar juon	Bōk juon Kein Kamool Bojak in Jermal an Aelon eo ej Kile	Bija ak kabe scan in kein kamool eo	
Bar juon	Bōk kwōnaam ilo juon kapeel in jermal ak kilaaj in kombuitor	Bija ak kabe in rijit in am kar kadeloñ etam	
Bar juon	Bōk juon kilaaj in katak kin kombuitor ak katak	Bija ak kabe in rijit in am kar kadeloñ etam	

Bar juon	Bōk kwōnaam ilo juon kilaaj in ESL (English as a Second Language, Katak Kajin Belle einwōt Kajin eo Kein Karuo) ak katak	Etam, raan, im jikin, bija ak scan in rijit in am kar kadeloñ etam
Bar juon	Bōk kwōnaam ilo katak ko emōj kile katak kin LinkedIn, ak jikin katak online einwōt ej lelok beba in kamool am kar kadedelok.	Link ak bija in peij in katak eo emōj an dedelok
Bar juon	Bōk kwōnaam ilo juon jermal in bōk iminene ak katak ej kolla ak ejab kolla	Letā ak email jen jikin jermal eo
Ro rej make jermal ibbeir make im/ak oner in bijnej ko WŌT	Kareelel kin bijnej eo am ñan customer ro rekāāl ak ro remaron naj am customer.	Link ak bija in kein kareelel eo am (online, nuuj pepa, social media, im jikin ko jet.)
Ro rej make jermal ibbeir make im/ak oner in bijnej ko WŌT	Lelok etam ñan jermal ko.	Kabe ak bija in bebe eo kwar lelok.
Ro rej make jermal ibbeir make im/ak oner in bijnej ko WŌT	Kebaak armij ro kwōmaron ak kwar lelok jermal in jibañ.	Etan, raan in kebaak, im melele in kebaak (email ak nōmba in talebon) in armij eo kwōj lelok jibañ im kwar kebaak.
Ro rej make jermal ibbeir make im/ak oner in bijnej ko WŌT	Bed ilo juon katak online ak katak ñan bōk kapeel ko ikijen bijnej ak katak kin juon jermal kāāl.	Letā kin am kar kadeloñ etam ak email ej kamool am kar kobalok, ak beba in kamool am kadedelok katak ak kilaaj eo online.
Ro rej make jermal ibbeir make im/ak oner in	Ilo am kōjermal jibañ ko an bijnej jidik, ak kebaak juon eo ewōr an kapeel jen SBDC (Small Business Development Center, jikin kōmman bijnej jidik). (waanjoñok, kōjermal jibañ	Bija in kwalok kamool kin am kar lale ak bōk kwōnaam ilo

<p>bijnej ko WŌT</p>	<p>ko ilo website ko einwōt www.business.wa.gov or www.sba.gov.)</p>	<p>website eo ej jibañ bijnej jidik.</p> <p>Etan im melele in kebaak an rijerbal eo ewōr an kapeel kin SBDC.</p>
<p>Ro rej make jermal ibbeir make im/ak oner in bijnej ko WŌT</p>	<p>Makūtkūt ko jet ñan kwalok madmōd ko rej woñmaanlok im kōmmani ñan kōlablok bijnej eo am.</p>	<p>Bija jen talebon ak bija kin am kar kōkkāāl laijen eo emōj kile jen Ra eo ej bōk eddon laijen (Department of Licensing) ak laijen in bijnej ibben Ra eo ej bōk eddon tōbrak in jāān (Department of Revenue).</p> <p>Etan im melele in kebaak eo an rijerbal eo an jikin loon eo an loon in bijnej eo am.</p> <p>Bija jen talebon ej kwalok ien kōkkāāl in melele ko ilo website eo ñan website eo an bijnej eo am.</p> <p>Bija in makūtkūt in kobalok eo kwar bed ie ak kōmmane.</p>

*EB (Extended Benefits, Burokraam eo an jibañ ko emōj kaitōklok) ej kōmelim lablok in 20 wiik in jibañ bōtab ewōr mo ko relablok ikijen mennin aikuj ko ñan kabōk jermal. Makūtkūt ko ilo tebol

eo kin kakōlle eo ej melelein rej ioone ennin aikuj in kabōk jermal ko an EB elablok mo. EB ilo tōrre in ejab wōr ilo state eo an Washington.

Kajitōk ko rekūt ikijen kabōk jermal

Naij ebōk jibañ eo an bōjrak jermal jen jorrāān eo ear jelōte aoleben lal in (PUA). Ij ke aikuj kabōk jermal?

Aet. Kwōj aikuj kadedelok jab diklok jen juon makūtkūt in kabōk jermal emōj kōmelim, jekdoñ kwōj ebōk PUA. Kim ej lukkun rōjañ am kadedelok jab diklok jen jilu makūtkūt kinke:

- **Jibañ ko an PUA emōj kōlaajrak ñan aer jemlok ilo jinoin Jebtomba 2021.** Lukkun kabōk jermal moktalok jen mennin enaj jibañ an bōjrak jibañ ko am.
- **Emaron jibañ an ejellok jorrāān ko remaron walok ilo jeklaj.** Elañe kim aikuj bar etale kajitōk eo am, im bukōt wiik ko maanlok ñan am maron tōbrak ñan jibañ eo an bōjrak jermal ekkā im ejab PUA, kadedelok jilu ien am kabōk enaj kōtōbrak mennin aikuj eo ñan jibañ ko an bōjrak jermal ekkā im emaron kōmman an jab walok jorrāān ak lablok in kolla ilo wiik ko moktalok. Kwōmaron bōk melele ko relablok kin wūnin amim bar etale kajitōk eo am ilo peij in [Potential new claim alert](#) (kōjellā kajitōk kāāl eo emaron) ilo website eo amim (ilo Kajin Belle).

Ijab maron jermal kinke ibed ilo joñan uwōta eo elab ñan COVID-19. Ij ke aikuj wōt kadedelok makūtkūt ko an kabōk jermal?

Aet. Elañe kwōjab maron jermal, ej mennin aikuj iomwin kakien ñan am kadedelok makūtkūt in kabōk jermal ko aikuj ñan am maron wōt tōbrak ñan jibañ ko.

- Kememej bwe eloñ makūtkūt ko remaron kōmman online.
- Kwōmaron bar kabōk jermal eo ekkar kwōmaron kōmmane jen mweo imōm.

Ij ebōk jibañ eo an bōjrak jermal jen idin jorrāān eo elab ear jelōte aoleben lal in (PEUC). Oktak ke mennin aikuj ko ñan kabōk jermal aō?

Jab. Mennin aikuj ko ñan am kabōk jermal rej einwōt ro rej ebōk injuran eo an bōjrak jermal ekkā. Kwōj aikuj kadedelok jab diklok jen jilu makūtkūt in kabōk jermal emōj kōmelim kajojo wiik ñan am maron wōt tōbrak ñan jibañ ko.

Ij make jermal ibba make im/ak aō bijnej eo. Ij ke aikuj wōt kadedelok makūtkūt in kabōk jermal ko?

Aet. Iomwin kakien kwōj ke aikuj kadedelok makūtkūt in kabōk jermal ko ñan am maron wōt tōbrak ñan jibañ ko. Ñe kwōj ebōk PUA, kwōj aikuj kadedelok jab diklok jen juon. Ñe kwōj ebōk jibañ eo ekkā an bōjrak jermal kwōj aikuj kadedelok jab diklok jen jilu.

Jilu men ko ñan am jelā:

1. Eloñ makūtkūt ko rejab koba am kateruru ñan jerbal ko ibben rijerbal ro jet.
2. Kim ear kobaiki makūtkūt ko emōj kōmelim im rejejet ñan am make jerbal ñan kwe make ak oner in bijnej ko ñan kōmmene an tōbrak mennin aikuj bwe en lablok an ekkar ñan kwe.
3. Kwōmaron kadedelok jabdewōt makūtkūt ko emōj kōmelim ñan kōtōbrak mennin aikuj in. Kwōjab aikuj wōt loor men ko emōj kōmelim wōt ñan ro rej jerbal ibbeir make im/ak oner in bijnej ko.

Ij jerbal paat time kin jorrāān eo elab ear jelōte aoleben lal in. Ij ke aikuj wōt kabōk jerbal ñan aō ebōk jibañ ko an bōjrak jerbal?

Aet. Kwōj aikuj kabōk jerbal full time eo ekkar, jekdoñ ñe kwōj bar kabōk jerbal part time.

Ij lale bar juon armij im ejab maron jerbal. Ij ke aikuj wōt kabōk jerbal ñan aō ebōk jibañ ko an bōjrak jerbal?

Aet. Kwōj aikuj woñmaanlok in kōtōbrak mennin aikuj eo ñan kabōk jerbal ñan am maron wōt tōbrak ñan jibañ ko an bōjrak jerbal, jekdoñ ñe kwōj lale bar juon armij. Mennin ekoba ajiri ro rejab jikuul ak bed ilo jikin lale ajiri kin jorrāān eo elab im ear jelōte aoleben lal in.

Kwōj ke ebōk jibañ ko an Kolla an Baamle im Kakkije kin Nañinmij? Burokraam in oktak jen injuran eo an Bōjrak Jerbal im oktak mennin aikuj ko an. Ñe kwōj ebōk jibañ an Kolla an Baamle im Kakkije in Nañinmij kinke ear bōjrak jidik am jerbal im kwōj lale juon uwaan baamle eo enañinmij ak ear jorrāān, mennin aikuj eo ikijen kabōk jerbal ejab ekkar. Etal ñan paidleave.wa.gov (ilo Kajin Belle) ñan melele ko relablok kin burokraam eo. Kwōban bōk injuran eo an bōjrak jerbal im jibañ eo an Kolla an Baamle im Kakkije in Nañinmij ilo juon wōt ien.

Emōj letōk juon jerbal bōtab ijab maron jinoe mae ien eo mennin aikuj eo ikijen kabōk jerbal enaj bar jejjet kūtien. Ij ke aikuj wōt kabōk jerbal ñan aō ebōk jibañ ko an bōjrak jerbal mokta jen aō jinoe jerbal kāāl eo aō?

Jab, bōtab kwōj aikuj kateruru ñan am kattar. Am kattar ej kōmelim an woñmaanlok am ebōk jibañ ilo am jab kabōk jerbal, toon wōt an wōr juon wūn eo emōj kōmelim ñan am kōmmene. Bōk melele ko relablok kin kattar ilo [Temporary layoffs, standby and furloughs page](#) (peij in kabōjrak jerbal ko an jidik ien, kattar, im an diklok wonnen rijerbal) ilo website eo amim (ilo Kajin Belle).

Iar kateruru ñan kattar moktalok ilo kar yiō in jen jorrāān eo ear jelōte aoleben lal in ilo ien eo emōj kar kōmelim kabōk jerbal eo. Ij ke aikuj lelok juon ablikajon kāāl ej kattar ilo ien eo mennin aikuj eo enaj bar jejjet kūtien?

Kajitōk in kattar ko rar kōmman mokta jen jorrāān eo elab im ear jelōte aoleben lal in ejako aer jerbal. Kwe ak jikin jerbal eo am enaj aikuj bar kajitōke kattar eo kiō alikin kakien in jerbal eo ñan kōmelim kabōk jerbal emōj jolok jen Julae 4, 2021. Bōk melele ko relablok kin kattar ilo [Temporary](#)

[layoffs, standby and furloughs page](#) (peij in kabōjrak jermal ko an jidik ien, kattar, im an diklok wonnen rijerbal) ilo website eo amim (ilo Kajin Belle).

Ta mennin aikuj ko ekkā ñan kajitōk jibañ ko an bōjrak jermal?

Ilo ien kajitōk jibañ ko an bōjrak jermal, kwōj aikuj:

- Maron jermal.
- Ebojak in jermal.
- Lukkun kabōk jermal eo ekkar, ijellokun ñe oktak aer ba waj.
- Emōj kadeloñ etam ñan jermal ibben juon jikin jermal an WorkSource ak jikin jermal ilo jukjukinbed(elañe kwōj jokwe inabojin Washington).

Ilo ien am ebōk jibañ an bōjrak jermal, kwōj aikuj kabōk jermal eo ekkar im kejbarok rekoot kin am kabōk jermal ñan am maron wōt tōbrak ñan jibañ ko. Kwōj aikuj likūt aoleben joñan awa ko aoleb kin jilu makūtkūt in kabōk jermal emōj kōmelim kajojo wiik. Kwōmaron kadeloñ melele eo online ilo ien am baele kajitōk eo am an kajojo wiik ñe ejab kōjermal [paper job search log](#) (beba kin am kanne melele kin kabōk jermal eo amim) (ilo Kajin Belle), elañe kwōj bael ilo talebon. Ewōr an WorkSource burokraam im jibañ ko remaron jibañ an mōkajlok am jermal

Elukkun aurōk am melele kin eddo ko am ilo ien am kōmmame im jeje kin am kabōk jermal bwe en ejellok bōd ko remaron kōmman am aikuj karool jibañ ko kwar bōki.

Imaron ke kōmmame ejjā makūtkūt eo elablok jen juon alen im rej bwinne ñan eloñ makūtkūt in kabōk jermal?

Jab. Kwōjab maron kōmmame ejjā makūtkūt eo elablok jen juon alen im enaj bōnōbōn. Waanjoñok:

- Kwōban alwōje ejjā bideo eo eloñ alen, ak kateruru ñan ejjā jermal eo eloñ alen, im ej bōnōbōn.
- Kwōmaron alwōje bideo ko roktak im rej mottan kabōk jermal eo iloan juon wōt wiik (waanjoñok, juon kin ien kajitōkin ko remmontata im juon kin jeje resume), ak kateruru ñan jermal ko roktak iloan juon wōt kombani, im kajojo ablikajon ej bōnōbōn.

Emōj ke kadeloñ etam in jermal ilo obji eo WorkSource ilo jukjukinbed ak ilo American Job Center?

Ñe kwōj jokwe ilo Washington, ej kaju deloñ etam ñan jermal ibben juon obji an WorkSource an state eo an Washington ilo ien am bael kajitōk jibañ ikijen bōjrak jermal. Jermal in ej ekkar ñan zip code eo am. Ñe kwōj jokwe inabojin Washington, kwōj aikuj kadeloñ etam ibben American Job Center ilo jukjukinbed eo am iloan juon wiik jen raan eo kwar loe kolla in jibañ eo an bōjrak jermal kein kajuon. Ñe kwar bael ñan jibañ moktalok jen Washington innem kwar emakūt ñan bar juon jikin iloan Amedka ak ñan Canada im woñmaanlok in tōbare aoleb mennin aikuj ko ikijen maron tōbrak, kwōj maron wōt maron tōbrak ñan jibañ ko. Kwōj aikuj kabōk jermal im kadeloñ etam ñan jermal ilo jikin eo kwōj jokwe. Etal ñan [WorkSourceWa.com](#) (ilo Kajin Belle) ñan bukōt juon obji in WorkSource office ebaak tata ñan kwe.

Ta eo ij kōmmāne elañe ij bed inabojin state eo?

Ñe kwōj jokwe ilo bar juon state ak bar emakūt ñan juon jikin ekāāl, kwōj aikuj kadeloñ etam ñan jermal ibben juon American Job Center iloan juon wiik jen raan eo kwar loe kolla eo am kein kajuon im ear iwōj kin kajitōk kāāl ak kajitōk eo am ebar bello. Kwōmaron bukōt juon American Job Center ilo am kōjermal website eo ilo servicelocator.org (ilo Kajin Belle). Eloñ keij ko kwōmaron kadeloñ etam online. Kebaak obje eo ilo jukjukinbed eo am kin wāween am kadedelok madmōdin kadeloñ etam.

Ñe kwōjab kadeloñ etam ñan jermal, kwōban teru ñan jibañ ko kajojo wiik ejab deloñ etam.

Ak ñe ibed inabojin aelon eo?

Ñe kwōj bed inabojin Amedka, Puerto Rico, ak U.S. Virgin Islands, kwōj aikuj kabōk jermal jen am bed mweo imōm ak jede in jermal im emelim iomwin kakien ñan am madmōd ilo aelon eo im kwōj bed ie.

Elañe kwōmaron kaju rool tōk ñan Amedka Puerto Rico, ak U.S. Virgin Islands ñan am bar jino jermal kinke rar lewaj jermal, kwōmaron bar kabōk jermal ilo jikin kein.

Ewōr ke mennin kōjenolok ko ñan mennin aikuj eo an kabōk jermal?

Aet, bōtab kin jekjek ko wōt reiiet. Eiten aoleb – ekoba ro rej ebōk PUA – rej aikuj kabōk jermal eo ekkar. Mennin kōjenolok ko rej:

- Kim ej kōmelim kwe ñan juon burokraam in katak kaminene, einwōt Katak Kaminene Emōj Kōmelim jen Kamijina ak Jibañ ko an Katak Kaminene.
- Kim ej kōmelim kwe ñan Jermal ibben ro jet.
- Kim ej kōmelim kwe ñan kattar.
- Kim ej kōmelim kwe ñan SEAP (Employment Assistance Program, Burokraam in Jibañ an Armij Make Jermal Ibbeir Make).
- Emōj lelok kwe kin juon doulul in likiō in lemaanlok.
- Kwōjab jermal iomwin jidik ien (im emōj an obje eo kōmelim).
- Kwōj juon eo emōj kadeloñ etan ej ebōk katak in jermal kin jarom ilo juon burokraam in katak jermal kin jarom emōj kōmelim.
- Emōj kōmelim am bed ilo jidikin ruum in kilaaj eo an katak kaminene in jermal eo ej mennin aikuj.
- Kwōj mōttan juon strike ak bōjrak.

Kwōj aikuj wōt kadedelok juon makūtkūt in kabōk jermal elañe kwōj:

- **Ebōk PUA.** Bōtab, elab amim rōjañ am kadedelok jilu makūtkūt in kabōk jermal emōj kōmelim elañe kwōj ebōk PUA. Lale kajitōk eo kin PUA ilo beij in ñan am bōk melele ko relablok.
- **Etal jen jermal kin jorrāān ko rej walok iloan baamle ak bukōt armij.** Ñe emōj an obje eo loe kwar etal jen jermal kin juon wūn eo emmon kin am juon eo ear jorrāān jen baamle ak juon eo rej bukōte, kwōj aikuj wōt kadedelok juon makūtkūt emōj kōmelim kajojo wiik ñan am maron wōt tōbrak ñan jibañ ko.

Aoleb ro rej lelok kajitōk rej aikuj kadedelok jab diklok jen jilu makūtkūt in kabōk jermal emōj kōmelim. Kim naj kōjellāik kwe kin mennin aikuj ko ikijen kabōk jermal eo am ilo ien am baele kajitōk eo am kin bōjrak jermal.

Kememej: Ñe kwōj juon uwaan doulul ej likiō in lemaanlok, kwōj aikuj kabōk jermal ilo am tōbare mennin aikuj ko an doulul eo am ear lewaj. Juon likiō in lemaanlok an doulul ej melelein juon doulul ej lale ro uwaan ñan jermal ko ilo aer lemaanlok ak lelok.

Ewi wāween aō jelā elañe makūtkūt in kabōk jermal ko aō emōj aer kōmelim?

Kim naj kōjellāik kwe ilo jeje kin wāween leto letak melele eo kwar kelete. Kwōj aikuj kabōk jermal ijellokun ñe emōj kōjellāik obij eo kwōjab aikuj. Elañe kwōj aikuj kabōk jermal, kwōj aikuj tōbare mennin aikuj ko an kabōk jermal an state eo an Washington kajojo wiik kwōj kajitōk jibañ (ijellokun ñe enaj oktak amim ba waj).

Ta melelein kebaak juon jikin jermal?

Ilo ien kajitōk kin juon jermal, kwōj aikuj bōk aoleben buñten ko aikuj ñan am kateruru ñan jermal eo ñan an kebaak eo bōnōbōn einwōt juon makūtkūt in kabōk jermal. Kwōj kebaak juon jikin jermal ilo ien am kajitōk kin ak kateruru ñan juon jermal. Ñe emōj am kateruru, ak kwar kajitōk kin jermal eo, im kwar loe ke jikin jermal eo ejab kateruru rijermal ak ebōk ablikajon, kwōj maron wōt bwinne kajitōk eo einwōt juon jikin jermal kwar kebaak elañe kwar jab jelā ke jikin jermal eo ejab kateruru ak ebōk ablikajon. Kwōj aikuj bar je melele eo ilo beba eo kwōj kanne am kabōk jermal. Kwōmaron kebaak juon jikin jermal ilo:

- Email
- Fax
- Internet
- Mael
- Talebon
- Jede lok im ioon er
- Kwelok online kōjermal kein jibañ in kwelok ko einwōt Skype, Zoom, im men ko jet
- Juon jikin make ebōk jibañ an jikin jermal eo

Ewi wāween aō je kabōk jermal eo aō?

Ñe kwōj kōjermal eServices ñan lelok kajitōk ko am an kajojo wiik, kwōnaj aikuj likūt makūtkūt ko an kabōk jermal ilo eServices ñan am maron tōbrak ñan jibañ ko. Loo wōt kōmelele ko rej walok ilo eServices. Kim maron kajitōk am kwalok makūtkūt in kabōk jermal ko am, jekdoñ ñe kwōnaj lelok melele in kabōk jermal ibben kajitōk ko am kajojo wiik online ilo eServices, innem kwōnaj kōnaan kejbarok beba ko kin am kabōk. Kwōjab aikuj letōk kein kamool ñan kim kin makūtkūt ko am ijellokun ñe kim kajitōke.

Ñe kwōnaj letōk kajitōk ko am an kajojo wiik ilo talebon, kwōnaj aikuj kejbarok juon beba kin jeje in melele ko kin am kōmmāni makūtkūt in kabōk jermal ko am. Kim kōnaan bwe kwōn kōjermal [job](#)

[search log template](#) (kein jermal in jeje kabōk jermal) (ilo Kajin Belle) im kim ej lewaj, bōtab kwōj ruwanene in lale makūtkūt in kabōk jermal ko am ilo jabdewōt beba kwōnaj kelet. Ņe kwōnaj kōmmāne mennin, ej aikuj wōr melele ko aikuj űan kwalok ke kwōj lukkun kabōk jermal eo ekkar. Kwōnaj aikuj kwalok beba in űan kim elaņe kim kajitōke. Jouj im kememej kim maron kebaak kwe űan kamool makūtkūt in kabōk ko jekdoņ alikin am kajitōk kajojo wiik.

Kōjermal [job search log](#) (beba eo ej kabōk jermal) (ilo Kajin Belle) kim ej lewaj űan an ejellok rekoot kin melele ko rejabikbik. Jouj im kōjermal kalor pen emarok im kalikar am jeje.

Ij ke aikuj lelok beba eo ej kwalok aō kabōk jermal?

Jab, bōtab kim maron kajitōk in lale jabdewōt ien. Kwōj aikuj kakwōne jab diklok jen 30 raan alikin jemlok yiō in jibaņ eo am ak 30 raan alikin an bōjrak am ebōk jibaņ, men eo wōt erumijlok. Kwōjab aikuj jilkintōk űan kim ijellokun űe kim kajitōke.

Ejabdetakwōt amim kōmman etale in makūtkūt in kabōk jermal űan lolorjak kwōj kabōk jermal eo ekkar. Ņe emōj kelet kwe űan juon etale ak ewōr amim kajitōk kin am kabōk jermal, kim naj kajitōke kabe in beba eo/ko rej kwalok am kabōk jermal im kwōj aikuj letōk einwōt emōj kōmelele waj.

Kim maron jilkinwaj juon letā űan kōlaajrak juon etale in makūtkūt in kabōk jermal ko am űan lolorjak kwōj kabōk jermal eo ekkar, etale am maron tōbrak űan jibaņ ko im, ilo ien ekkar, lewaj melele kin wāween kōkmanmanlok kabōk jermal eo am. Lukkun ritti letā eo űan lale elaņe ien kajitōkin eo am ej ilo talebon ak ilo am jede lok. Lolorjak an bojak beba eo/ko kin melele in kabōk jermal ko am. Ņe ejako ak ejabikbik beba eo kin melele ko am, ak kwōjab lukkun kajeoņ kabōk jermal eo ekkar, kim maron jab kateru jibaņ ko. Innem kwōnaj aikuj karool tōk jibaņ ko űan aoleb wiik ko kwar jab tōbare mennin aikuj ko ikijen kabōk jermal.

Jekdoņ űe kwōnaj kwalok emōj am loor mennin aikuj ikijen kabōk jermal, kim maron lewaj wāween am ukōte madmōdin kabōk jermal ko am ak kōkmanmanlok beba ko am. Kim maron bar kōlaajrak bar juon ien űan kamool ke kwōj kōtōbrak mennin aikuj ko.

Elaņe kwōjab maron kwalok ke kwōj lukkun kajeoņ kabōk jermal eo ekkar, kim maron jab kateru jibaņ ko. Ņe kim jab kateru jibaņ ko am, kwōj aikuj karool tōk aoleb jibaņ ko kwar bōke űan wiik ko kwar jab tōbare mennin aikuj ko ikijen kabōk jermal. Im bareinwōt, kim naj karōke ien etale makūtkūt in kabōk jermal ko am űan aoleb wiik ko kwar kajitōke.

Kwōj aikuj bōk juon jermal ekkar rej lewaj ekkar űan kapeel ko am, maron ko am im wāween ko jet űan jermal eo am ilo jikin jermal eo am. Ņe ewōr joņan jermal kin jermal eo am ak ilo jikin eo kwōj bed ie, kwōmaron aikuj kōlablok am kabōk jermal. Waanjoņok, kwōmaron aikuj lale am kabōk jermal ilo online, ak ilo juon jermal ak jikin eo otkak.

Kwōmaron kōmman joņan am kabōk űan jermal ko rej jinoe ilo jeklaj. Waanjoņok, űe kwōj juon eo ej kattōr baj in jikuul ilo ien kakkije in jemar, kwōmaron kōmman joņan am kabōk űan jermal ko rej jinoe ilo fall ak jermal ko renaj jinoe ilo ien jikuul enaj jinoe. Bōk melele ko relablok ilo [Refusal of work page](#) (peij eo kin Makoko in jermal) (ilo Kajin Belle) ilo website eo amim.

Ewi wāween an WorkSource jibañ kin aō kabōk jermal?

Objij ko an WorkSource offices ilo state eo an Washington, im ro rej kobalok ilo state ko jet, rej ibben doon ilo doulul eo an American Job Center. Rej lelok jermal im jibañ in katak kaminene ko ñan ro rej kabōk jermal im jikin jermal ko. Eloñ jermal ko ejellok wonneir. Ñan bukōt juon objij in WorkSource ebaak tata ñan kwe, lale [WorkSourceWA.com](https://www.worksourcewa.com) (ilo Kajin Belle).

Ñe kwōj jokwe inabojin Washington, bukōt American Job Center ebaak tata ñan kwe ilo [careeronestop.org](https://www.careeronestop.org) (ilo Kajin Belle) ak kūrlok 877-872-5627. Objij ko an WorkSource rej lewaj kilaaaj ko raurōk, ien bōk melele im jibañ ko jet remaron jibañ am tōbare mennin aikuj ko an kabōk jermal am kajojo wiik.

Ijin lal ej laajrakin jibañ ko WorkSource ej lewaj online ak ilo am jede lok:

- Joñjoñ kapeel im melele in kajinet kin jermal.
- Bebe ko ñan kabōk jermal.
- Melele kin joñan kolla ko an jermal ko, im jermal ta ko elab aikuji.
- Lemaanlok ko ñan jermal ko rebellok, makūtkūt in kateruru ko online ak ilo am jede lok.
- Lemaanlok ko im ien ko emōj karōki ñan jibañ ko ikijen kabōk jermal.
- Jibañ kebooje resume eo am im am bōjak ñan ien kajitōkin ko ikijen jermal.
- Kwalok bebe in wāween kabōk jermal ibben ro jet rej kabōk jermal.
- Lemaanlok ko ñan burokraam in katak kaminene ewōr karōkier im bareinwōt ebōk katak kaminene online ejellok wonnen.
- Lemaanlok ko ñan jikin ebōk mōñā ko ejellok wonne, koonjel kin kredit ejellok wonnen, ejmour, imōn jokwe, jibañ kin jarom im eloñ bar mennin jibañ ko jet ilo jukjukinbed ñan jibañ kwe ilo an ejellok am jermal. Kwōmaron bar kūrlok 211 ñan jibañ ko relablok.

Ij ebōk jibañ ko emōj kaitōklok (Extended Benefits). Mennin aikuj ko an kabōk jermal rej ke einwōt ñan burokraam in? (*Kememej: Jibañ ko emōj kaitōklok ejab wōr ilo tōrre in ilo state eo an Washington. Etal ñan [Benefit extensions page](#) (peij eo an jibañ ko emōj kaitōklok) ñan bōk melele ko relablok.*) (Ilo Kajin Belle)

Ñe emōj am kōmaat aoleben 26 wiik in bōjrak jermal eo ekkā ak PEUC an federal am, kwōj maron wōt tōbrak ñan jibañ ko emōj kaitōklok, im ej kōmelim an lablok 13 wiik in jibañ. Burokraam eo ewōr an mennin aikuj ko ikijen kabōk jermal ko, im roktak jen mennin aikuj ko an kabōk jermal kin bōjrak jermal eo ekkā. Kaje ko kin am jab kōtōbrak mennin aikuj ko ikijen kabōk jermal elab. Ñe kwōnaj kateruru im maron tōbrak ñan jibañ ko emōj kaitōklok (Extended Benefits), kim naj jilkinwaj kōmelele ñan am kōmmane kabōk jermal eo am. Bōk melele ko relablok kin Kaitōklok Jibañ im wāween am kateruru ilo [Benefit extensions page](#) (peij eo an jibañ ko emōj kaitōklok) (ilo Kajin Belle).

Ebōk jibañ ilo am kabōk jermal

Kwōkōnaan ke kobalok ibben juon eo ewōr am kapeel in jibañ kwe kabōk am jermal? Innem WorkSource ebed ijin ñan kwe!

Rijerbal ro an WorkSource remaron kobaikilok kwe ñan jikin jerbal ko rej kateru rijerbal kiō wōt ilo jukjukinbed eo am, kalikar ien katak kaminene ak jibañ am bar kōmmāne ablikajon eo am im kapeel in ien kajitōkin.

Eñin ej ta eo kwōn kōmmāne:

- Wāween eo emmontata ñan am kobalok ibben juon uwaan kumi eo an WorkSource ej ilo online.
- Ñe ejab emmon mennin ñan kwe, obji ko an WorkSource rej bar belloko ñan lewaj jibañ ilo an armij itōk. Mennin emaron wōt ilo am karōk ien am itōk.
- Jouj im etal ñan [WorkSource's office locator page](#) (peij in kabōk obji eo an WorkSource) (ilo Kajin Belle) ñan am kabōk ekelel ko ñan jibañ ko ilo online im ilo am jede lok ilo jikin eo am.
- Kim ej katmāne an aoleb aikuj ñan jibañ ko an WorkSource kin an mennin aikuj eo bar jejjēt kūtien. Jouj im lale [office locator page on WorkSourceWA.com](#) (peij in kabōk obji ilo WorkSourceWA.com) (ilo Kajin Belle) ñan bukōt wāween eo emmontata ñan am kebaak juon eo ewōr an kapeel kin WorkSource ilo jukjukinbed eo am.

Bukōt obji in WorkSource ilo jukjukinbed eo am ak American Job Center:

Washington: [WorkSourceWA.com](#)

Inabojin Washington: [careeronestop.org](#) ak 877-872-5627

Ra eo ej bōk eddon kakien ko ñan kejbarok jerbal (Employment Security Department) ej juon jikin jerbal/burokraam ejellok kalijeklok. Ewōr kein jibañ roñjak im jibañ ko jet elañe ewōr kajitōk ñan kajojo ro ewōr aer utamwe. Ewōr jibañ kin kajin ñan kajojo ro edik aer melele Kajin Belle im ejellok wonnen. Jibañ in Leto Letak Melele ñan Ro Ewōr Aer Utamwe ilo Washington (Washington Relay Service): 711